



DET KONGELEGE
FORSVARSDEPARTEMENT

St.prp. nr. 89

(2008–2009)

Om endringar i «Regulativ for tillegg mv. til utskrivne vernepliktige mannskap»

*Tilråding frå Forsvarsdepartementet av 12. juni 2009,
godkjend i statsråd same dagen.
(Regjeringa Stoltenberg II)*

1 Innleiing

I denne proposisjonen legg Forsvarsdepartementet fram forslag om regulering av primærgodtgjersler for utskrivne vernepliktige mannskap frå 1. juli 2009.

2 Samandrag og tilrådingar

Forslaget til regulering er basert på ei tilråding til lønsoppgjret mellom staten og LO Stat, Yrkesorganisasjonenes Sentralforbund Stat, Akademikerne og Unio Stat. Det er óg teke omsyn til at låglønsgruppa i lønsramme 01, i samband med justeringsoppgjret pr. 1. juli 2008, fekk ei særskilt justering frå lønstrinn 16 til lønstrinn 18, då lønsramme 01 vart fjerna og erstatta med lønsramme 02. Det er naturleg og rimelig at denne særskilte justeringa for låglønsgruppa, som er basis for soldatreguleringane, óg får verknad for regulering av soldatanes primærgodtgjersler. Forsvarsdepartementet foreslår difor at denne justeringa kjem i tillegg til justeringa på lønstrinn 18 på A-tabellen, og at samla justering får verknad frå 1. juli 2009.

Med grunnlag i lønsoppgjret for statstilsette, blir primærgodtgjersler til vernepliktige mannskap tilrådd auka med 3,8 % frå 1. juli 2009.

Meirutgiftene for 2009 er utrekna til 15,919 millionar kroner.

3 Bakgrunn

I mange år har dei økonomiske ytingane til soldatane blitt regulert med basis i lønsoppgjret for tilsette i staten. Forsvarsdepartementet har dei seinare åra, i tråd med synet til forsvarskomiteen, lagt lågaste lønstrinn for vaksen, ufaglært arbeidskraft til grunn for reguleringa.

I samband med justeringsoppgjret i staten pr. 1. juli 2008, blei lønsramme 01, som har vært basis for soldatreguleringane, fjerna og erstatta med lønsramme 02, der lågaste lønstrinn er 18. Låglønsgruppa fekk dermed eit opprykk frå lønstrinn 16 til lønstrinn 18. Då denne justeringa, som medfører ei regulering på 2,8 %, ikkje kom med i fjorårets soldatproposisjon, vil Forsvarsdepartementet tilrå at den kjem i tillegg til justeringa i lønstrinn 18 på A-tabellen ved årets regulering.

Det tilrådde lønsoppgjret for statstilsette i lønsramme 02, alternativ 1, tenesteansiennitet 0, gav som resultat ei auke med om lag 1,0 % med verknad frå 1. mai 2009. I tillegg kjem reguleringa på 2,8 % frå justeringsoppgjret pr. 1. juli 2008. Dette utgjer til saman ei regulering avrunda til 3,8 %.

4 Vurderingar

Dei årlege reguleringane med basis i lønsoppgjret sikrar dei vernepliktige ein rimeleg god leve-

standard. Departementet meiner det er naturleg og rimeleg at det også i år blir gitt ei regulering som for lågaste begynnarløn for vaksen, ufaglært arbeidskraft i staten. Etter ei samla vurdering er Forsvarsdepartementet kome fram til at dei vernepliktige bør få ei regulering på 3,8 % med verknad frå 1. juli 2009.

5 Regulering av satsane

Forslaget medfører følgjende regulering av satsane frå 1. juli 2009:

Tenestetillegg frå kr 140,00	til kr 145,00 pr. dag
Tenestetillegg, HV-innsatsstyrke frå kr 751	til kr 780,00 pr. dag
Operativt (§ 13-oppdrag) tillegg frå kr 1 073	til kr 1 114,00 pr. dag
Korporalstillegg frå kr 17,70	til kr 18,40 pr. dag
Kompensasjonstillegg frå kr 275,00	til kr 285,00 pr. dag
Ektefelletillegg frå kr 3 750,00	til kr 3 891,00 pr. måned
Barnetillegg, første barn frå kr 4 260,00	til kr 4 422,00 pr. måned
Barnetillegg, øvrige barn frå kr 1 755,00	til kr 1 821,00 pr. måned
Dimisjonsgodtgjersle, 12 månader teneste frå kr 26 850	til kr 27 870
Utdanningsbonus, dagsats frå kr 52,00 pr. dag	til kr 54,00 pr. dag.

6 Samla utrekning av utgiftene

Meirutgiftene som følgje av forslaget er utrekna til 15,919 millioner kroner for 2009 etter følgjande fordeling:

Auke av tenestetillegg og korporalstillegg	8,392 mill. kroner
Auke av tenestetillegg for HV-innsatsstyrke og operativt tillegg (§13 oppdrag)	0,309 mill. kroner
Auke av kompensasjonstillegg	0,125 mill. kroner
Auke av forsørgjartillegg	0,434 mill. kroner
Auke av dimisjonsgodtgjersle	6,441 mill. kroner
Auke av utdanningsbonus	0,218 mill. kroner

7 Verknad for siviltenesta

Regulativendringane får same verknad for dei sivile vernepliktige som for militære vernepliktige mannskap. Dette følgjer av militærnekterlova § 18. Meirkostnadane for siviltenesteforvaltninga for andre halvåret 2009 er utrekna til 768 000 kroner. Heilårseffekten er utrekna til 1,135 mill. kroner.

Forsvarsdepartementet

tilrår:

At Dykkar Majestet godkjenner og skriv under eit framlagt forslag til proposisjon til Stortinget om endringar i «Regulativ for tillegg mv. til utskrivne vernepliktige mannskap».

Vi **HARALD**, Noregs Konge,

st a d f e s t e r :

Stortinget blir bedt om å gjere vedtak om endringar i «Regulativ for tillegg mv. til utskrivne vernepliktige mannskap» i samsvar med eit vedlagt forslag.

Forslag

til vedtak om endringer i «Regulativ for tillegg mv. til utskrivne vernepliktige mannskap»

I

I statsbudsjettet for 2009 blir det gjort følgende endringer:

Utgifter:

Kap.	Post	Formål	Kroner
450		Sivile vernepliktige	
	01	Driftsutgifter blir auka med frå kr 71 831 000 til kr 72 599 000	768 000
1719	01	Fellesutgifter og tilskudd til foretak under Forsvarsdepartementet Driftsutgifter blir auka med frå kr 417 382 000 til kr 417 417 000	35 000
1720		Felles ledelse og kommandoapparat	
	01	Driftsutgifter blir auka med frå kr 1 799 550 000 til kr 1 799 649 000	99 000
1725		Fellesinstitusjoner og – utgifter under Forsvarsstaben	
	01	Driftsutgifter blir auka med frå kr 2 476 009 000 til kr 2 476 611 000	602 000
1731		Hæren	
	01	Driftsutgifter blir auka med frå kr 4 384 209 000 til kr 4 391 764 000	7 555 000
1732		Sjøforsvaret	
	01	Driftsutgifter blir auka med frå kr 3 114 634 000 til kr 3 116 620 000	1 986 000
1733		Luftforsvaret	
	01	Driftsutgifter blir auka med frå kr 3 739 738 000 til kr 3 741 239 000	1 501 000
1734		Heimevernet	
	01	Driftsutgifter blir auka med frå kr 1 009 075 000 til kr 1 010 530 000	1 455 000
1740		Forsvarets logistikkorganisasjon	
	01	Driftsutgifter blir auka med frå kr 2 962 594 000 til kr 2 964 722 000	2 128 000
1790		Kystvakten	
	01	Driftsutgifter blir auka med frå kr 878 235 000 til kr 878 784 000	549 000
1792		Norske styrker i utlandet	
	01	Driftsutgifter blir auka med frå kr 1 483 420 000 til kr 1 483 423 000	3 000
1795		Kulturelle og almennyttige formål	
	01	Driftsutgifter blir auka med Frå kr 278 303 000 278 309 000	6 000

